

P R A E F A T I O.

I. D E P L A N T I S H E L V E T I C I S.

HELVETIAM vocamus, quæ fœderibus tredecim pagorum, Rhætiæ, Valeſiæ, aliisque fœderatis civitatibus, & liberarum civitatum subditis continetur. Modica huic toti regioni est amplitudo, quam quatuor fere gradus longitudinis metiaris, quae vero a septentrione ad meridiem tantum habeat intervalli, quantum est inter 48. gradum, & 46.

Universæ Helvetiæ duas partes facias, quarum altera est cifalpina major, qua principes civitates continentur; transalpina altera, ab Inſubria avulsa, tota ſubditorum.

Verior Helvetia ad septentrionem alpium ponitur, inter ipsa alpium juga. Fines in universum habet, ad meridiem longissimum alpium jugum, quod a lacu Lemano inter Valeſiam, vallemque Prætoriam, Seſſiam, Antigoram, aliasque ad Furcam usque montem; inde a Gotthardo, per montem Lucumonium & Adulam, inter Rhætiam liberam & ſubjectorum ejus Reipublicæ valles, ad Septimum montem; hinc per Prægallienium orientalia juga, & inter vallem Tellinam atque Oeni vallem, & ad juga usque Burmienſia producitur. Hæc tota alpium longitudine paſſim quidem aliquantum deprimitur, ut vias präſtet in Italiam tranſituriſ: fed & eæ valles peraltæ ſunt, & asperæ veræque alpes, neque uſquam rota ex Helvetia ad Italos accessum invenit. Soleo hoc alpium dorſum, quod centum leucis non multo brevius eft, meridionale vocare.

Non ſimplex dorſum eft, quod diximus, alia ei parallelæ, aut varie certe connexa, pene ad eamdem altitudinem adſcendentia, ab Occidente ad Orientem decurrunt.

A lacu Lemani utique vicinia, & potiſſimum a clauſtris Valeſiæ, quæ ſunt e regione Agauni, in Bernatiū ditione alpium dorſum boreale incipit, quod ad meridiem primum, inde rectius ad orientem ſolem excurrit, a Bernatibus Valeſios diuidit, & cum dorſo meridionali in Furca monte coaleſcit. Sed ex monte Gotthardo cum Furca, per alias alpes connexo, aliud dorſum fere ejusdem duetus incipit, Crispalti cum nomine, Uraniosque, deinde Glaronenſes, a Rhætis longe diuidit. Id tamen dorſum in Sarunetibus ſubſidet, mediocresque in montes deprimitur. Inde iterum adſurgit, asperrimisque jugis inter Abbatiscellanos & atque Toggios, mitioribus inter illos Rhenumque ad lacum uisque Bodamicum continuatur.

Deinde ex präcipuo utroque dorſo, boreali & meridionali, alia juga breviora, ſæpe tamen präalta, mutato duetu, hinc ad Eurum fere & ad Auſtrum, inde ad Occafum & Septentrionem ſe propagant.

Ab Auſtrali dorſo principes quidem alpes verſus auſtrum mareque inferum, inter Sabaudos & Prætorios, & Pedemontanos, denique ad Vari oſtia pergiunt, admiranda paſſim altitudine.

Aliud dorſum, idemque brevius, ad meridiem deſcendit, vallemque Prætoriam ab alia Auguſtanorum valle diſtinguit. Ejusmodi porro numeroſa dorſa Prætorienſes valles diſſepiunt, & princeps aliud a Furca monte, inde ſecundum Lepontios, hinc Oscellanos, in Inſubriæ planitem uſque deſcendit.

Ad boream idem excelfum dorſum multa juga, breviora tamen, in präcipuum uisque Valeſiæ vallem emittit, quæ juga tamquam ramos majoris valles intercipiunt, a qua univerſa regio nomen habet. Inter eas valles ſunt val-

Tom. II.

2

lis

lis Entremont, de Bagnes, vallis St. Nicolai s^epe nobis dicta, vallis Erinia, das Binnenthal, aliæ.

Ultra Furcam, in Rhætis, adeo multiplicia sunt juga, quæ ex magno alpium dorso exeunt, ut vix ullo fermone possint describi. Breve est, quod Rhenum inter posteriorem & medium, aliudque quod inter istum & anteriorem Rhenum ad Disentisum porrigitur; alia vallem Misauam & Calancam, Brenniam, & Leponiam, continent, ad meridiem emissam. Deinde in Averfanis in altissimum quasi cumulum alpes congeruntur. Dorsum boreale versus Bodamicum lacum Rhaetiæ principem vallem comitatur. Aliud ex opposito ad meridiem emissum Prægallienies ad occidentem continet.

Duo alia serissima & altissima dorso inde ad orientem pergunt, meridionale a Burniensi jugo quidem inter Tellinam vallem & Venetos: aliud pariter ad orientem, sed boreæ propius continuatur, & cum priori præcipuo dorso vallis Oeni initia intercipit. Ab eo ipso boreali jugo, ad boream, multa non satis mihi nota alia dorsa educuntur, inter quæ Rhæticus est mons, & inter ea dorsa decem jurisdictionum fœdus per valles altissimas dispergitur.

Boreale alpium jugum, quod ab occidente sole aque Agauno repeto, versus Bernenses numerosa brachia exporrigit, ad Aquilejenses primu[m], & breve, quod valli Ormond ad meridiem adjacet; alterum, ad septentrionem eidem valli objectum, ad meridiem vallis les Mosses; tertium inter Etivaz & les Mosses; quartum inter Gesteig Etivaz & Sanensem vallem; quirtum inter Gesteig & Lauwenen; sextum inter Lauwenen & vallem Simniæ: idem inflexum ad orientem longe inter hanc vallem & Adelboden porrigitur; septimum inter Adelboden & Candersteg; octavum inter Lauterbrunnen & Candersteg montes vallis Kienthal educit: aliud per Scheidek vallem Grindelwald a lacu Brienz distepit; majus aliud a Furca longe inter Bernenses & Uranios & subsylvanos porro, hinc inter Lucernenses & Subsylvanos ad orientem, inde ad boream iuter vallem Emniæ & lacum Thunensem productum, in sylva Graubolz prope Bernam denique planitiem adtingit. Ejus rami valles Subsylvanorum distinguunt, & ad eos Pilatus mons pertinet. Aliud dorsum tribus vallibus distinctum inter Uranios & Glaronenses altissimum se interponit, deinde ad Switenses continuatum Albium montem generat, qui Tigurinum inter lacum & Switenses & Tugenos jacet. Iterum Glaronenses aliud jugum a Toggiis distinguit, idemque Toggios a Tigurinis & a Thurgovia separat, & versus lacum Bodamicum fensim evanescit.

Aliquæ alpes ex se ipsis existant, undique profundis vallibus interceptæ. Ejusmodi dorsum est, quod a montibus supra claustra vallis Simniæ longissime versus occidentem Bernensium valles Simniæ & Sanensem a Friburgenibus distinguit.

Eiusmodi est mons Rigi Switenium, undique lacubus circumdatus, cumque alpibus nusquam continuus. Ejusmodi etiam est dorsum, quod Abbatis cellanos a Toggiis & Rhætis, aque valle Rhenana dividit.

Hæ alpes sunt; Jura mons ad boream & occidentem solem Helvetiam a Sequanis & Alsatis separat, multo humilior, montiumque aliarum regionum similior, passim tamen in plura juga sibi parallela, aut ad se invicem inclinata disjectus, inter quæ valles Neocomensis Comitatus, & Biennensium, & Basileensis Episcopatus interjiciuntur.

Quod inter alpes Juramque montem medium est, hactenus planitiei proprius, collibus & humilioribus montium jugis passim tamen exasperatur, qualis est mons Legerberg Badensium. Neque usquam lata in Helvetia planaque & campestris est regio, a qua nullos montes prospicias. Planior est tamen pars aliqua Tigurionorum, tum valles subalpinæ majores.

Alpium

Alpium faciem parum recte notam esse video, liceat ergo breviter aliqua eorum adspergere, quæ tot per eas itineribus vidi.

Alpium natura tota scopulosa est, plerisque locis superne nuda, ut medium cingulum pascuum sit, immum pedem abiegnæ sylvæ vestiant. Et si eminens pyramides videntur, longe undique a vicinis montibus separatae, vera tamen dor'a sunt, quorum pars aliqua paßim altius in aerem surgit. Altitudinem nemo recte definit; solum montem *Dent de Midi* ad 8161. pedes supra Rhodanum elevari J. Gamatiel de Roverea reperit, olim apud Salinas Bernenses machinarum magister [Ingenieur]. Iste vero mons nives pene omnes æstate dejicit, & est extremus dorfi austrealis atque humilior finis. Montem *la Montagne moudite* Sabaudiae ad 13440. pedes supra lacum Lemanum elevari Cl. Lov's experimentum est, & ea fere, aut paulo sublimior, M. Schreckhorn, Sylvio, montium supra Gotthardum, Septimi, jugorum *Rhaeticorum* supra Burmum altitudo fuerit. Nam quæ infelix ille J. B. MICHELI olim de 2760. perticis montis *Gotthardi* scripsit, non certa basi inter Arburgum & Alpes intercepta nituntur. Quare Alpes ad 15000. supra mare pedes Parisinos fere in aerem surgunt; nam lacus Leimanus 1000. aut 1200. pedibus supra mare elevatur.

Magna pars alpium nive tecta videtur, in multis jugis æterna. Non tamen nix est, quæ videtur. Æterna glacies crustam efficit, quæ declivia culmina alpium tamquam lorica tegit. Ei demum nix infidet. Quare recte accolæ *Gletscher* vocant, quos Germanice montes nivosos dicimus. Mille & ultra paßim perticarum latitudinem, hæc glacies tegit. Subtus eadem, qua rupibus, arenæve respondet, fere cava est, & ex eo fornice undique guttæ aqueæ depluunt, calida æstate ubiores, ut ex quaque glaciali mole rivus prodeat. Non alia origo *Rheni* est, aut Rhodani, ex qua scaturigine sitim olim levavi, & Arole, & Urse. Ei fluviis generandis destinatae aquæ auxiliares accedunt copiæ, quando a calidi aeris contactu, foliis tepore nives colliquescunt; quas potissimum subita vis tempestatum cum tonitru conjunctarum, aut Favonius ventus cogit contabescere, cum summo accolarum & terrore & periculo.

Tertia fluviorum causa pluvia est, de nubibus stillans, quoties eæ ex medio dorso alpium subito sursum rapiuntur, superque montium culmina in pluviam roridam solvuntur, quod phænomenon decies sum expertus. Ea aqua ut in rivos confluat, adjuvatur propria alpium fabrica. Rupes, quæ in sublime surgunt, innumerabilibus effodiuntur incilibus, quæ plana inclinata sunt, ad angulum varium conjuncta. Per ea, scopuloſo alveo confirmata, delabentes aquæ cælestes, infra culmina alpium aut in lacum aliquem conjunguntur; quos innumeros alpium convales recondunt, aut in rivum uniuntur, qui porro similibus copiis auctus, per supremas valles quidem hand profundo in alveo labitur, paulo inferius, ubi nunc terrea magis montis natura est, fere inter præcipitia supercilia profundum sibi nidum effudit, per quem repetitis cataractis, sæpe in pollinem aqueum dissipatus torrens, denique vallem adtingit; in eam lapides de montibus avulſos defert, eamque late glarosa crux obducit, donec aut in alium majorem lacum recipiatur, aut in fluvio majori evanescat. Hæc communis est alpium fabrica, qua flumina generant, conjunctis glaciei liquatæ, nivis contabescuntis, pluviaque & nebularum aquis.

Lacus alpini suos per torrentes aquas suas plerumque effundunt; sunt quorum aquæ inconspicuas per rimas se subducunt. Ejusmodi est Juratenſis lacus, non ille exiguis, neque tribus leucis brevior, quem cominus vidi, nullum per vorticem aquas suas amittere, sed per rimas faxosi alvei tacite se subducere. In aliis lacubus vortices dari non negavero; vidi certe, proxime *Rupem*, aquas torrentis *l'Eau froide* conspicuo gurgite sub faxa se subducere, & longe sub pedibus ambulantis murmurare: & cum sæpe fluvios compararem cum se ipsis,

magnam partem aquarum de iis disperire, dum ad planitem descendunt, mihi ex comparata aquarum copia per uasi, quæ in planite multo minor est, quam ex conjunctis torrentibus operales minor etiam, quam supra tot rivos fuerit, quorum aquas fluvius recepit. Si Arolam prope Interlacum cum Arola sub urbe Berna compares, qua tota vadari potest, sub veteri Noso-dochio, multo plus aquæ in eo fluvio fuisse adgnosces, antequam *Canderæ*, & *Simmæ*, & *Rotachæ*, & *Sullæ*, & *Gurbæ*, non modicorum torrentium, aquas receperit.

Id tamen non dissimulare oportet, duplarem lacum subalpinorum utilitatem esse; earumque evidentissimam exhalare partem aquæ, quæ ex alpibus defuit: alteram destruere summam illam celeritatem, cum qua a culminibus, tot pedum millia altis, lapsu præcipite ruit. Arola enim ex lacu Thunensi versus Bernam non majori cum celeritate properat, quam properaret, si in lacu suam haberet scaturiginem. Utroque modo violentia alpinorum fluminum frangitur: quæ eorum vicinis multo periculosior est, quando nullo lacu suscipiuntur, ut *Emma*, *Sarina*.

Dixi de thorace glaciali alpium, universam partem culminibus subjectam late tenente: sed aliæ moles glaciales valles longe replent, quæ ad meridiem altissima montium juga objecta habent, solique radiis his molibus interjectis orbantur, et si neque in australi alpium facie nulli sunt glaciales tractus. Eæ valles sæpe per aliquot leucas, per unius alteriusve demum diei iter, glacie replentur, quæ petris & arenæ subjectis infernit, aque illis quasi nucleis figuratur, ut irritati maris cum suis undis congelati similis horreat. Ejusmodi vallis ab alpibus super vallem *Lauterbrunnen* ad usque vallem, quæ *Arolam* ad *Hospitale Grimsulæ* emittit, per quatuordecim fere leucas continuatur: talis a valle de *Bagnes* versus *Viége* pari longitudine inter alpium meridionalium duo dorſa intercipitur: & plures ejusmodi glaciali lacu repletæ valles passim inter alpium dorſa interjiciuntur, non quidem in unum *mare glaciale* conjunctæ, ut amici olim nostri *CHRISTIANUS* medicus, & *J. Georgius ALTMANN* Græcarum Literarum Professor, scriptum reliquerunt. Nam cis *Grimsulam* quidem prior ille lacus terminatur, & si longissime ajas produci, certe per alpes *Gemmias* interpolatur.

Ex lacubus illis glacialibus, inter scopulos alpinos, qua passim laxata montium compages vallecula distinguitur, continuæ glaciales clivi inhabitatam planitem descendunt: eosque fere quasi fluvios glaciales exteri solent adire, quos in valle *Grindelia* duos, tertium proxime videoas, quando jugum *Scheidek* superaſti. Ex ejusmodi declivibus lacuum glacialium appendicibus fluvii etiam prodeunt, ut *Lütschina* quidem *Grindelensis* [a].

Alpium dorſa plerumque multiplicibus jugis fiunt, quorum media altissima, inde versus planitem, utrinque humiliora, alia fere præcipuo dorſo parallela incedunt. Ita illæ valles fiunt, in quas glacies effunditur.

Scopulos alpinos nondum altissimos passim, & ad occidentem potissimum, Schisti species constituit; summa culmina saxum compositum, ex mica, quarzo, & molliori materie, quod vocant *Geisberger* [b]. Humiliora lapidis calcarii & marmora omnis generis, alisque duriores lapides vestiunt, qui rivis suos rotundos calcarios pariter lapides volvendos tradunt. Admiserunt coagula silicum, prædura materie conferruminatorum [c]. Cos fere collum est. Arenam valles alpine habent, tamen ut nusquam in summis alpibus reperias, eamque videatur aqua ex comminutis petris fibi parasse. Crystalli fere quarzo continentur, & summarum sunt alpium.

Terra

[a] In titulo.

[b] Conf. etiam *CAPPILER pilat.* p. 175.

[c] Idem ibid. p. 174.

Terra alpina tenax, nigra, pileo adfinis (*Filtz*), cum exiguis micis arenosis & lapideis, in Valesia saepe mica argentea adsperrigitur. Cæterum palustris terræ non dissimilis est, quæ tamen tenacior, pure terrea, absque lapillis esse solet. Et omnino magna pars alpium & montium paludosa est.

Valles subalpinæ, frequenter, qua planæ sunt, argillam subcæruleam pro terra habent, quæ causa est, ut fere paludescant. Aquarum enim ab acclivibus delabentium scaturigines huic argillæ innatantes stagnant, & ejusmodi stirpes alunt, quæ aqua perpetuo amant irrigari. Super eam argillam torrentes aut lapidem stratum, glareasque effundunt, aut tenues arenas, has rarius. Multiplices autem, antiquissimis temporibus, fuisse torrentum eluviones, magna & rotunda faxa demonstrant, quæ in effossis cellis puteisque passim reperiuntur. Paludosa prata olim sylvestria fuisse, ex arboribus credas, quæ in terra palustri passim reperiuntur. Super lacus ubique, ut puto, aliquot leucarum planities est, per quam parens ejus lacus fluvius, media per palustria plana decurrit.

Humus in Helvetia rarer esset, nisi trium seculorum perpetua industria ex ingesto fimo seni terram vegetabilem fabricasset, quæ glareas nunc temperat, aut argillas. Fertilia tamen passim arva reperias, qualia circa Paterniacum multiplici feminis restitutione excellunt.

Nusquam in alpibus montium ignivomorum inveni vestigia; nusquam pumicem, aut quidquam scoriæ simile, aut quod ignis violentia calcinatum videretur. Et tamen sulfur passim abundat. *Infundibula* etiam sive serobes jugeri, aut ultra, capaces in subalpinis passim reperias; sed eas ruinas gypseos lapides putes dedisse, quos aqua consumat.

Metalla nostri non sunt loci, sed pleraque Helvetia habet, ut tamen paucissima aliqua ubertate generet, aut cum quæstu suppeditet. Aurum plerique torrentes volvunt, *Emma* potissimum, rivusque in *Emmam* defluens *Goldbach*, deinde *Arola* & *Rhodanus*. Mineram auri nescio num quis viderit, nisi in Valesia, ubi circa *Sempronii* montem in argillosa terra flava, aliqua vis auri a florente Burginerorum familia argenti yivi ope eluitur. Argenti minera passim in Bernensi agro, etiam in altioribus alpibus circa lacum *Engstlannum* reperta est, nullo cum fructu. Cuprum in Valesia circa *Oetodurum* effuditur. Plumbi dives minera est supra *Morcle*, Bernensium: olim etiam circa *Sichellauinen* in valle *Lauterbrunnen* coquebatur. Ferri benigna copia est; paucissim tamen locis fodinae sunt, quæ fructum reddant. Ditissima minera, subrotunda, silicum simili subluteorum, in Jura monte abundat, mollis ea, & bonæ notæ, in solis tamen fere Episcopatus Basileensis montibus cum emolumento coquitur, ex nostris temporum errore alienigenis permittitur. In monte *Wetterhorn* nobilis, ponderosa, ferro jam suo similis minera reperitur, usq; tamen interciderunt, in quibus coquebatur. In Sarunetum comitatu chalybem coquebant, circa *Flims*; audio etiam istam fabricam cefare. Sulfur apud Bernates frequens est in monte *Lohner*, ex quo in pago *Candersteg* sulfur & vitriolum coqui vidi; deinde circa *Sublins* supra *le Bevieux*, ubi virginem de petris efflorescit: sed etiam graves sulfure fones in fodinis salinarum aquarum manant, & aquæ subfalsæ non sine emolumento excoquuntur sulfureo vapore divites, qui ab admissa candela ignem concipit. Supra *Laurenzen* etiam terra sulfure dives reperitur. Nusquam tamen etiam ista naturæ dona in usum vertuntur. Petroleum passim scaturit, non longe supra Bernam ad *Arolam*, & in arenario lapide Chavornacenfi abunde innitum reperitur.

Crystalli aliqua copia & pretium nonnullum est; solent majores ejus lapidis pyramides in cavernis reperiri, quas accolæ ex eminente rupium gibbo adgnoscunt. Ad *Arolæ* ex valle ferissima, versus Hospitium *Grimfultæ* prope rantis, ripas circa annum 1727. maximæ glebæ centenarum, ducentarum, etiam plurium librarum effossæ sunt, quas annis 1728. & 1733. cominus vidi. Erat inter eas moles ex duabus pyramidibus coalescens 697. librarum. In Va-

Tom. II.

b

Iesia

Iesia suprema etiam majores massas repertas fuisse proceres aliqui ejus regionis narraverunt. Uraniorum ditio & ipsa crystallos fert, & multi ubique homines, aut effodiendis crystallis vitam sustentant, aut vendendis.

Aquarum mineralium ampla in Helvetia copia est, thermarum verarum Badæ & prope Leucam, tum aquarum tepidarum, quales Fabarienses sunt & Weissenburgenses, aquarum demum frigidarum tenui bolo, aut terra lixiviosa prægnantium, quibus ovorum putridorum fætor ineft. Acidulæ raræ sunt, sola fere in summa valle *Oeni* circa St. *Mauritii* fanum.

Muriæ seu aquæ falsæ parcus in Helvetia proventus est, inqne solo angulo ditionis Bernensis, qui hinc torrente *Avanson* terminatur, inde torrente la *Grande Eau*. Ea regio gypsi crustam sibi instratam habet, quod paſſim ad usus architectonicos exuritur, vicinum etiam ſulfur. Tenues sunt muriæ venæ, aliquanto meracior, quæ in monte *les Fondemens* ſcaturit, & in qua octava fere ſalis marini portio eft: debilior altera vicina, ſulfureo vapore plena, vix ſupra centefimam ſalis datura: debiles etiam, ſed uberioris aquæ, quæ ad duas inde leucas, prope pagulum *Panex*, ex glareoſo monte prodeunt: parciſſimæ denique, quæ in eadem regione ſub rupe excelfa *Chamofière* pariter ex terræ ſuperficie prodeunt. Memorabile eft, plerisque locis margam cœruleam compactam in montis centro deſtillantem aquam falſam percolare, quam circumjectus ei margæ durifimæ & micosæ cotis faxum coerct.

Alius fal & ſponte de ſcopulis, etiam in vicinia fontium falforum efflorefcit, & in terra nigra paſſim per alpes latet, aque nonnullis accolis in purgantem *Salem* perficitur, cum nomine *Gletscher Salz*. Nativo fali Glauberi adfinis, refrigerans & amarus, glacialis, & figura deſtitutus, in ferro candente ſpu-mans, in rimis rupium ſub *Chamofière* repertum eft.

Vulgaribus aquis Helvetia ſuper omnes fere Europæ regiones excellit. Nufquam limpidas illas aquas & crystalli ſimillimas fe mihi obtuliffe memini, poſtquam ex Helvetia exceſſi. Ex ſcopulis enim noſtræ per puros filices percolatæ nulla terra vitiantur. Eſt etiam aliud non paucarum aquarium privilegium, ut neque ipſae ab ullo gelu in glaciem vertantur, neque vulgares aquas finant congelari, ad quas admifcentur. Ejusmodi rivus ex pago *Fontanai* fe praecipitat, & Aquilegiā per tubulos ducitur, aquasque torrentis *Grande Eau* adverſus omnem hiemis violentiam admiftus munit. Ejusmodi etiam fontes in praedio dominii Rupensis ſcaturiunt, quod ad Praefectum pertinet, & quae ſolae per rigidifimam hiemem toti pago ſuffecerunt, cum vehemens gelu reliquos fontes conſtrinxiffet. Causam phaenomeni ignoramus: purifimæ ſunt aquæ, & guſtui placent. Credas in profundo lacu ſubterraneo non longe a ſcaturigine colligi; ut in eo naturali caſtello quidem nunquam frigus conglacians ſentiant, inque brevi itinere non poſſint ſubito a 53. gra-dibus ingeniti caloris ad 32. deprimi.

Caeterum Helvetiorum aquæ non continuo in faetorem vertuntur, neque confervas producunt, ut noſtræ Gottingenses solebant.

Helvetia pro univerſa Europa aquas generat, rationem, qua generat, diximus. Eae aquæ paratas ubique ſibi declines valles reperiunt, perque eas in maximas valles deſcendunt, Valeiam, Tellinam, Lepontiam, Rhaetiam, &c. inque lacus ſibi paratos ſubalpinos fe effundunt, quibus Helvetia univerſa abundat. Nunquam tamen feritatem ſuam totam deponunt: Rheni enim Scaphusiam inter & Basileam duae funt cataractæ, & rapidifimus alveus tum Scaphusiae, tum inter *Lauffenburg* & *Rheinfelden*. Arola ſexaginta a ſcaturigine leucis periculofum ſupra civitatem *Brugg* rapidumque alveum percurrit. Rhodanus ſub Lemanō lacu terris conditū, ſaxis ſubmersus. Oenus, quem Rhaetia in *Euxinum Pontem* mittit, totus praeceps ruit. Sola *Tela* & ſupra lacum Neocomensem, & infra eum lacum, placido flumine navium patiens labitur.

Nulla in Helvetia vallis eft, quae ſuo rivo careat, nullus fere pagus, quem vivi aquarium fontes non reddant laetiorem. Vix noti putei, niſi paucifimis locis,

locis, ubi nulla declivitas est. Quare neque credo ab aquarum vitio strumas nasci. Et si enim in Valesia incolae lutofas aquas bibunt, Bernae tamen purissimae sunt, neque ideo strumae in utroque sexu infrequentes.

Sequitur, ut de montibus dicam. Eorum ab alpibus magnum est discrimen. Princeps Jura est, qui hinc ultra Genavam versus Lugdunum continuatur, inde per 50. fere leucas ad Arolae cum Reno confluentem, quam finem sui facit. Parum scopulosus est, plurimis locis mitis, sylvestris, etiam aratri infra summa juga patiens. Longae in eo monte planities, dorsaque sui similia, pyramides nullae: nulla tamen juga arborum non sunt feracia. Magna pars montis faxo fit similari, subluteo, praeduro, ad aedificia utili, non fatis paciente scalpri. Ferro, & optimo, Jura abundat. Siccor est, quam alpes, & passim inaquosus, etiam in vallibus, ut nivis contabescentis glacieque rivos defideres.

Sunt etiam in *Emmia* valle montes ex alpibus, sed eminus, continuati, quos ipsi rustici proprio nomine a scopulosis alpibus distinguunt, toti ex glarea congesti, aut certe absconsis sub multa terra rupibus concamerati, fere ut in Hercynia valle.

Ab iis montibus colles innumeri propagantur, rivulentis valleculis distincti, absque ullo certo ordine, qualis fere tuberosa facies in Nuitonia est. In collibus eos dominatur, quem lapidem hinc a pago *Lutry* ad *Burgdorf* ubique reperias, aut nudum, & scopulosum, aut pauca terra sepultum, cunctismodi etiam arenario monti urbs Berna infidet.

Non reperio tamen, ullam in tractibus Helvetiae variis lapidis specierum constantiam esse. Circa *Lutry* eos effoditur. Inde succedit durus lapis, calcarius, ex alpibus continuatus. Huic inimicentur coagula lapidea, filicum, quos dura materies conferruminavit, & quos passim ad viam inter *Cuilly* & *St. Saphorin* reperias. Durae iterum calcariae petrae ultra *Chillon* sequuntur, & marmor verum variis coloris, quod valli principi Aquilejenium undique imminet. Et tamen idem marmor passim rubente cote interrupitur, circa *Ivorne*: & multo gypso trans torrentem la *Grande Eau*. Proxima scopulosa Valesia marmore destituitur. Vicinus Schistus ad usque *Bex* descendit, supra eum pagum ad tegulas aptus, inde in alpes adscendit.

Ita, cum collis pro via regia munienda perfoderetur, proxime Bernam, trans Arolam, mistum vidi lapidem micaceum & quarzeum alpinum, cum calcario lapide rotundo, cotisque arenariae lapicidina confusum. Argilla etiam totum montem *Jorat* tegit, cuius rupes ex cote constant.

Liceat addere, marmora Helvetica omnia varii esse coloris, alba nulla innotuisse, ut neicias, quibus ex montibus Romani immensas albi marmoris gleybas intulerint, quae *Aventici* in aedificiis & statuis reperiuntur. In altiora marmor scandit, cum ex roseo & viridi varium circa rupes glaciales vallis *Grindelwald* frequens reperiatur, deciduum, neque integris in rupibus. Nigrum, per pulchrum circa *St. Tryphon* effoditur, ex luteo, cinereo, & rufesciente fanguineo varium circa *Roche*, & proxime cinereum, etiam maculosum: circa *Spiez* nigrum cum venis albis, cui vulgo Bernae aedes superaedificantur. Eos subcaerulea Bernae praepulchra est: caeterum is lapis hoc vitium patitur, quod humorem trahat ut, omnino, terram si contigerit, se ipsum consumat. Silices jaspini, albi, rubri, virides, nigri, ubique in Helvetiae rivis abundant, eoruunque, qui nigri sunt, aliquid dicuntur habere auri. Arenae ex contrito quarzo, ex lapillis granatorum similibus, aliisque crystallis constant: alvei fluviorum fere planissimis ovatisque lapidibus arenariae indolis sternuntur, ad *SPALLANZANI*, Viri Cl. pericula aptissimis.

Cretam Helvetia ignorat, cum calcaris lapidibus abundet. Nusquam etiam magnos arenosos tractus reperias; qui adsunt, ii fere aut circa lacum ripas, aut fluviorum littora reperiuntur.

Vides, amice Lector, quo haec omnia spectent. Dicere nunc oportet de plantarum varietate, quas Helvetica tellus generat. Ea varietas cum situ locorum, cumque aquis connexa est, sed etiam, & potissimum, cum aere.

Helvetica pene omnes Europae regiones repraesentat, ab ultima Lapponia, etiam a Spizbergia, ad ipsam usque Hispaniam. Et merito. Circa glaciales scopulos, in altissimis alpium vallibus, eadem aeris, quae in *Spizbergia*, temperies est, ut nempe brevissima aestas, vix quadraginta dierum sit, & ipsa nivibus interrupta, hiems severa reliquum annum regat. Quare pleraeque a *Friderico Martens* in Spizbergia repertae plantae circa glacialis alpium proveniunt [d]. Cum eae plantae ad mare Spizbergiae & Grönlandiae nascantur, apparet causam, quae facit, ut plantae in alpibus propriae proveniant, non in levitate aeris esse, sed in frigore: id enim cum ultimo septentrione commune alpes habent, aeris pondus diversissimum.

Inde, ut ab aeterna glacie receditur, paucia succedunt, macilenta prima, scopulosa, & solis ovibus accessa: in quibus humillimae plantae, perennes omnes, pleraeque albis floribus conspicuae, breves cespites faciunt [e]. Duriores sunt in universum, colorum in siccando tenaciores, & magis aromaticae, ut etiam vulgares Ranunculi grato fint odore [f].

Et magis atque magis paucia laetiora vaccis sufficiunt, in quibus quadraginta diebus armenta morantur, quibus nempe solis, neque satis cetro, nivibus vacant. In ea regione plantae numerosae prodeunt, quae vulgo alpinae dicuntur, & quarum non paucae, quas enumerare non adinet, etiam in *Laponia*, *Sibiria* & *Kamtschatka* proveniunt; aliquae etiam in *Asiae* altissimis montibus [g]; summi montes harum plantarum plerasque proferunt.

In his paucis arbores incipiunt pullulare, priores *Sabinae*, & *Pini* eduli fructu, cum *Rhododendris*, *Vacciniis*, *Salicibus Myrtillinis*, *Serpullifoliis*, aliisque.

Inferius paulo sylvae succedunt abiegnae, & in alpium, & in montium declivitate. Earum aliquae ad septentrionem spectantes boreales plantas *Laponiae* & *Sibiriae* generant, sylvae exemplo, quae inter montem *Pontdenant* ad pagum *les Plans* descendit [h]. Caeterae sylvae hujus generis fere *Hercynicas*, *Suecicasque* plantas alunt, non quidem omnes, aliasque suas, & *Helvetiae* proprias.

Inter sylvas pasim prata intercipiuntur, quae ambustis arboribus successerunt, laetissima pleraque & optimi foeni secundissima. In iis *Gentianae luteae*, *Veratra*, *campanulae Drabae folio*, & *Anchusae*, *Stachys fusca*, aliaeque plantae montanae dominantur.

Et nunc submontanae & subalpinae regiones sequuntur, agris, pratis & sylvis variae; qualis est *Nuitonia*, & *Friburgensis* ditio, aliaeque subjectae humilioribus nunc montibus inaequales, non planities, sed ex collibus valliumque acervis compositae regiones. Hae septentrionali Germaniae propiores sunt, ut tamen & arenosa absint, & torfeta aliqua fint, sed minus ampla. Cum vulgaribus plantis tamen alpinae aliquae intercedunt, quas fere a torrentibus deiectas esse putas [i].

Et

[d] *Spizbergiae Ranunculus calyce villosa*; *Myosotis uniflora*; *Saxifraga Ericoides*; *Bistorta vivipara*; *Saxifraga Ulmi folia*.

[e] *Salix Ulmi folio*; *Alchemilla quinquefolia*; *Gramen avenaceum Cat. rar. 258*; *Avena aurea*; *Avena arundinacea*; *Cyperoides rar. 272. 273*; *Juncus triflorus*, *squamatus*; *Bulbopodium DILL.*; *Ranunculus Ruta folio*. *Radix Rhedia*. *Sedum teretifolium 446. rar. 5*; *Saxifraga serpylli folia 461*; *Alfine 494. 501*; *Campanula 606*; *Vitaliana*; *Aretie 636. 637. 640*; *Viola 665*; *Cardamine Bellidis folio*, *Reseda folio*; *Sisymbrium seruleum*; *Pediculares 824. 829*; *Spica Celta*; *Abun-*

thium alpinum candidum homile; *Filago 909. 110*; *Eri-*
geron 939; *Hieracium 989*.

[f] *CAPPELLE Pilat. p. 77*.

[g] *Astragalus floribus sessilibus congestis*.

[h] *Epipogum Sibiricum*; *Ophrys minima Hercynica*; *Pirola uniflora*, *Hercynica*; *Orchoides MICHELI*, *Hercynica*; *Corallorrhiza borealis*.

[i] *Bellidastrum MICHELI*; *Lychis multiflora* per ampla radice; *Saxifraga ciliata CLUSIANA*; *Campanula alpina minima*; *Phalangium alpinum palustre*, *hae Bernæ vicine*.

Et nunc planities succedit vitifera, Basileensis, Tigurina, Turgoviensis, Paterniaeensis, Vaudensis, Genevensis, vallium alpinarum. Calidior ista, Jenensem regionem fere imitatur, aut Germaniam medium. Apricae autem vitiferae Lemani, & Neocomensis lacus ripae, & Valefiae pars media, & vinorum generositate superant, & plantarum. Multae hic reperiuntur Austriae [k], Galliae calidioris [l] stirpes, & Italiae [m]; aliquae etiam Hispaniae [n] in vallis calidissimis, & australi expositis, Tellina & Valefiaca. In iisdem vina aromaticae, nativo spiritu plenissima, & violentissima nascuntur.

Calor aeris in his vallis est ejusmodi, ut apud exteriores fidem vix inveniat. Vidi, cum caelum tempestatem minaretur, in thermometro Rupe soli opposito ad 117. gradus Fahr. argentum vivum adscendisse, vidi multo altius anno 1762. & ad 140. gradus, cum in horti muro adfixissem, quo & a borea & ab Euro defendebatur. Id thermometrum Cl. de TREYTORRENS, Laufanensis Physices Professor, ipse paraverat.

Calidissimae demum regiones sunt in Tellina valle, & in transalpina Helvetia circa Luganum, Chiavennam. Ibi plantae parum plene haec tenus cognitae proveniunt, sed omnino Italicae [o], inque Germania ignotae, si Carniolam & Istriam noles cum Germania numerare.

Ita factum est, ut Helvetia in exigua amplitudine tamen numerosiores plantas educat, quam ea regna, quorum haec tenus catalogos herbarios possidemus. Non quod negemus in Sabaudiae & Pedemontii alpibus, vallis, & planicie, eisdem divitias repertum iri, si Caroli ALLIONII tabulae stirpesque prodibunt. Si vero Antonius GOUAN in flora Monspeliensi ad 1865. species numeravit, quarum 1600. fere sunt conspicuo flore, si nostra Enumeratio pene 2500. species, & 1714. præter Lichenes, Muscos & Fungos plantas continet, merito tamen credo superare nostras, cum Cl. Vir plurimas hortenses suis accensuerit, nos ne unicam, quæ non sit in incultis reperta: ut vix sint supra viginti, de quibus suspiceris, ex horto elapsas esse.

Mirum vero est, quam exiguo tractu tanta stirpium varietas contineatur. Si Seduno Valefiae in montem Sanetsch iter feceris, quod est fere septem horarum, relinques Seduni Ephedram, Gramen echinatum, Punicas per rupes montis Valeriae floentes, relinques Castaneas, laetissimas Juglandes, quas plurimae cicadae perfrepunt; & vites optimi vini feraces; deinde agros, eximio tritico fecundos; & paulatim Fagi evanescunt, & Quercus, deinde etiam Abies Te deferent, paulo post Pini edules, inde universum arborum genus, & poteris inter Saxifragas ericoides, aliasque Spizbergiae plantas prandere; uniusque dimidii diei Ipatio plantas legere, quae hinc sub gradu latitudinis 80^{mo}, inde sub 40. nascuntur.

Et tamen magna pars Helvetiae nondum divitias suas aperuit. Lectae fere sunt plantae alpium occidentalium, & mediarum, ut tamen, in tanto numero jugorum, plurima adhuc in australi dorso nondum tacta sint, aliqua

in

[k] Scorzonera angustifolia; Xanthemum; Leucocym angustifolium; Cyclamen; Androface; Siler Aquilegia folio; Limodorum; Botrys; Rhamnus minor.
 [l] Hieracium montanum tomentosum; Rhagadiolus Hyst. Millefolium luteum; Calcitrapa lutea; Astragalus; Valeriana rubra; Lavandula; Hyssopus; Rosmarinus; Melissa; Cataria tomentosa; Betonica Hyssopifolia; Odontites odorata; Linaria Bellidis folio; Orobanche purpurea; Vicia Onobrychidis folio; Lathyrus &c Gouani; Coronilla minima; Alysson Leucoji folio viridi; Astragalus Monspeliacus; Myagrum 979 rar. Pervinca latifolia; Viago Gallica; Coris; Helianthemum Ericæ folio; Helleborus omifolius; Reseda alba; Fritillaria; Narcissus doo; Muscari maximum; Gramen paniculus elegansissimus; Polycnemum; Hyacinthus racemosus maximus.
 [m] Aster luteus; Filago electrona; Carpesium; Echinopus; Rhaeticum rar. 891. & 892; Cytilis R. v.

Anonis flore lateo parvo; Dorycnium; Eructa Tanacetum folio; Sinapis rar. 707. f.; Eructa sativa; Iberis Marthiol. Campanula Bononiensis; Galium nigro purpureum; Galium tetraphyllum; Cicutaria fascidissima; Cotinus; Telephium; Myosotis tomentosa; Lychnis coronaria; Geranium Romanum; Cistus feminus Salvie folio; Pentaphyllum rectum; Anemone latifolia; Clematis recta alba; Allium umbella pendula; Erythronium; Asphodelus luteus; Orchis lingua; Scirpus maritimus; Gramen echinatum; Arundo sativa; Blitum; Ficus.

[n] Herba alba; Cataria Hispanica; Lepidium Thymbra folio; Muscipula Hispanica; Tuna; Ephedra; Gelsemium.

[o] Scabiosa argentea; Mandragora; Phytolacca; Erica Coridis folio I; Tanacetum balsamita; Aloe vulgaris; Abutilon; Celtis; Phoenix Egipcius; Acrostichum Maranta.

Tom. II.

c

x P R A E F A T I O .

in boreali. Sed etiam alpes inter Uranienses & Rhaetos, alpes Rhaeticæ, quae sunt inter Rhenum & Oenum, alpes in summa valle Tellina & circa Abduae fluvii scaturigines, alpes inter eam vallem & Venetos, alpes provinciae Helvetiorum transalpinæ, alpes vallium *Palanca*, *Breunia*, *Lepontiae* vix sparsim unico itinere sunt defloratae. Ab alpibus tamen ad Italiam spectantibus ego quidem plurimum boni spero.

Ita tota Helvetia Insubrica, congener & limitanea Italiae, vix leviter est percursa, plurimumque speratur fructus, si circa lacus transalpinos, ut *Lugani*, idoneus homo aestatem viveret, inque stirpibus legendis instruetus. Nunquam autem mihi fortuna favit, ut etiam sumtibus erogatis, ejusmodi iter procurare potuerim.

Thurgovia, *Ager Solodorenſis*, *Friburgensis* pene novae sunt regiones. Et illa tamen stirpes vicinae Sueviae permittit, *Scorzoneram humilem*, *Peucedanum*, *Quinquefolium TRAGI*, quæ nondum in censum nostrum redactæ sunt.

Jura mons passim perreptatus fuit, ager *Genevensis*, *Basileensis*, *Tigurinus*, *Bernensis* equidem oculos botanices peritos passi sunt, tamen ut plerisque locis, certe in plantis minoribus, *Fungis* & *Muscis*, spicilegium possit superesse.

Deficient autem etiam post importunos gnarorum virorum labores, plantæ marinae, quae circa nostros fontes falsos nullæ nascuntur: deficient segetium planitiei aliquæ, & arenosæ, & magnorum ericotorum stirpes, quales tractus nobis nulli sunt.

II. DE STIRPIBUS HELVETICIS AUCTORES.

Tanta cum sit Helvetiae in producendis plantis felicitas, dudum passim aliqui extiterunt viri, qui in haec naturæ dona inquisiverint: eti, praeter ea, quae in *J. Jacobum SCHEUCHZERUM* respublica Tigurina contulit, nunquam publica liberalitas, aut ulla remuneratio stirpium amicos adjuvit.

Otho BRUNFELS aliquo certe tempore, poliater fuit Bernensis. Idem primus tolerabiles dedit stirpium icones, quarum non paucissimas *FUCHSIUS* suas fecit, folias autem vulgares & in officinis notas plantulas delineatas dedit, & ad compilandos scriptores animum deflexit.

Johannes FRICCIUS, *Conradi GESNERI* avunculus magnus, stirpes amat, & hortulum coluit [a], caeterum nihil scriptum reliquit, multum tamen ei debemus, quod *C. GESNERUM* ad plantas amandas pellecerit [b].

Johannes RHELLIGANUS iter alpinum primus omnium descriptum dedit, latinis versibus, & Gentianam atque nigram Orchidem descripsit, circa annum 1536.

Hieronymus TRAGUS, Hornbacensis Bipontinus, aliquam Rhaetiae partem adiit, ut ex historia Cyclamini adparet [c].

Botanicorum facile principem paulo post **TRAGUM** **Tigurium** protulit, **Conradum GESNERUM** humaniorum literarum peritissimum, primum inter numeros, qui thesauros naturales collegerit & servaverit. Sed in plantis potissimum viri industria eminuit [d]. In agros & alpes plurimis itineribus excurrat, ut plantas legeret, Laufannæ [e], Badae [f], Monspelii, Basileæ [g], ut etiam provectioni aetate, cum debili esset corpusculo, tamen in lacu nataverit, quo aquáticas aliquas stirpes corraderet [h]. In alpes plura itinera suscepit, qui ab ipso anno 1543. secum decreverit, unum, ubi minimum, montem quotannis adire [i], neque ei consilio eventum defuisse, ex alio Cl. Viri opere adparet [k]. Non potui omnia summi Viri itinera perveстиare. Glaronenses alpes adiisse video, & anno 1555. montem *Fractum*, anno

[a] *Gesner Ind. quadrupart. Pref.*

[b] *Pref. ad Ind. Quadrupart.*

[c] p. 905. editionis *KYBERIONIS*.

[d] In eas se infanire vir summus Epist. Wolfian. p. 117. 118. b.

[e] Ubi Graecas literas docuit SIMLER Vit. p. 5. 6.

[f] Anno 1560. Epist. ad J. B. p. 88.

[g] SIMLER Vit. p. 6. b. 14. b.

[h] Anno 1563. Epist. ad J. B. p. 118.

[i] *De laetiar. oper. pref.*

[k] *Pref. ad iter montis Fracti.*